

Ҳалима онамизга эмизмоқ учун берилишлари



17:47 / 25.11.2017 4470

097

Туғилмасдан бўлди етим, зийнати бор,
Акси бўлса душманларни миннати бор,
Ғайб сиридан огоҳ, Эгам ҳикмати бор,
Аста- аста тарбияни, бошлар АЛЛОҲ.

098

Кунлар ўтар, ҳафта ўтар, гўдак ўсар,
Ризқин истаб саҳродан бир аёл келар,

Билмас ўзи охир келиб, кимга етар,
Ҳар бир ишни Ўзи билиб, қилар АЛЛОҲ.

099

Эмизмоқга барча излар , бойни фақат,
Шошиб келар Макка сари, қилмай тоқат,
Улар ўйлар, бойга хизмат қилсанг роҳат,
Йўқ! -Аслида ризқни тақсим қилар АЛЛОҲ.

100

Фикр қилинг бундакатта , ибрат бордир,
Таваккулни қилса ҳар ким, Тангри ёрдир,
Ҳалимага фарзанд олмай кетиш ордир,
Кеч келса ҳамунга инъом, қилди АЛЛОҲ.

101

Муҳаммадни (С.А.В) етим дея, ҳамма қочар,
Афсус улар билмай буюк, бахтдан қочар,
Бир она бор , унга РоҳманНурин сочар,
Ҳалимага раҳм шафқат, қилди АЛЛОҲ.

102

Ёш етимга келиб кўкрак, берди она,
Кўкрак эмас бор меҳрини, берди она,
Ўзи билмай бор умматга, бўлди она,
Камтарликга чексиз камол, берди АЛЛОҲ.

103

Барча аёл фарзанд олиб, уйга қайтар,

Ҳамма хайрон Ҳалимани завқи ортар,
Оқсоқ улов охиркелиб, аввал кетар,
Бу уловга қувват бериб, қўйди АЛЛОҲ.

104

Инсонлардан бошқа бари, махлуқ билар,
Бу оламнинг халоскори сахро кезар,
Оилага файз келганин ҳамма сезар,
Бу хонага файз барака, берди АЛЛОҲ.

105

Бу марҳамат билинг, кимнинг хурматига,
Нури тушди бу хонанинг, зулматига,
Бу эҳсонларбиргўдакни, хизматига,
Ҳалимага буюк икром, қилди АЛЛОҲ.

106

Бу оила ўзи ночор,фақир эди,
Умид қилиб оз эҳсонгарози эди,
Не бўлса ҳам, фарзанд қутлуғ келсин деди,
Истагидан зиёд инъом, қилди АЛЛОҲ.

107

Бу сахрода яшаш жуда,мушкул бўлди,
Қурғоқчилик балоси кўп, озор бўлди,
Ибрат учун халқга жуда синов бўлди,
Ҳар бир жонни Ўзи билиб, турди АЛЛОҲ.

108

Ҳамма хайрон эди , мушкул бўлса замон,
Бирхона бор , ундагилар шодон ҳамон,
Раҳмат ёғар, кеча кундуз ўшал тамон,
Бул гўдакдан зарра ғофил, бўлмас АЛЛОҲ.

109

Ёш халоскорўсар сахро ҳавосидан,
Зарра офат етмас, жами балосидан,
Хаттозиён етмас, қуёш оташидан,
Оз булутни хизматиға , қўйди АЛЛОҲ.

110

Эмизмоқлик муддати ҳам бўлди тамом,
Ажрашмоқни хоҳламайди , она ҳамон,
Тарбияга изнолди, яна бир он,
Бу қадарни битган Ўзи, буюк АЛЛОҲ,

Жиззах шаҳар “ИМОМ БУХОРИЙ”

Жомеъ масжиди, имом ноиби

Ҳалилов Умиджон Абдуҳаким хожи ўғли